

3200

491.99-8

U-44

1889

08

1108

Обращение родному языку

Հրատարակութիւն Կենդրոնական Գրականատանոցի:

Ղ. ԱՂԱՅԵԱՆՑ

ՈՒՍՈՒՄՆ ՄԱՅՐԵՆԻ ԼԵԶՈՒԻ

ԱՅԲԲԵՆԱՐԱՆ

ԱՌԱՋԻՆ ԳԻՐՔ

ՈՒԹԵՐՈՐԻ ՏԻՊ



ВИДИТЕЛЬ
ИНСТИТУТ
Исторический
Лингвистический
СССР

262



ԹԻՖԼԻՉ

Տպարան Մովսես Վարդանեանի:
Типография М. Вартаняна Тройц. пер. д. № 11
1889

Գրք Է 25 Կ.

491.99-8

2002

arm
1108

1108

491.99-8

Ա-44

Դ. ՄԱՅՅԵԱՆՑ

ՈՒՍՈՒՄՆ

ՄԱՅՐԵՆԻ ԼԵԶՈՒԻ

ԱՌԱՋԻՆ ԳԻՐԲ

ԱՅԻՐԵՆԱՐԱՆ

ՈՒԹԵՐՈՐԴ ՏԻՊ

БИБЛИОТЕКА
ИНСТИТУТА
СОСТОЯТЕЛЬНИИ
Академии Наук
СССР

ԹԻՖԼԻՉ

Տպարան Մովսես Վարդանեանի:

1889

Доз. ценз. Тифлиси, 3-го Марта 1889 года.
Типография М. Вартамянца, Тройц. пер. д. № 11.

5 0480 - ախ



36215-66

արտ

տատ տար արտ

մարտ

մարտ մատ տամ ատամ արամ

մարտը

մարտը, տատը, մատը, արտը, արամը,

մարտը տալիս է

լիս է

տալ, լալ, էլ, սէլ, իմ, սիմ, միս, մաս,
էր, սէր, տէր, սար, սալ, լար, սիրտ,
ամիս, սամի, սարի, տարի, մարի, մասիս,
մասրի, մատիտ, մարիամ.

Մարտը ամիս է.

Մի ամիս է մարտը.

Մասիսը սար է.

Արամ, արի, մի մատիտ տամ.

Մարիամ, արի, իմ մատիտը տար.

Մարտը տալիս է ճնձաղիկ

Ճնձաղիկ

ձի, ինձ, տանձ, սանձ, ծալ, ծամ, ծիտ, ծիծ, սան, նան, տակ, տիկ, կէս, մէկ, կամ, կալ, լակ, կար, նալ, նամ, աղ, տաղ, մաղ, ծաղիկ, կաղին, իլիկ, կաղնի, կարաս, մինաս.

Մարտը ճնձաղիկ է տալիս:

Մարտ ամիսը ճնձաղիկ է տալիս:

Ջնձաղիկը մարտին կըլինի:

Մարտ ամսին ճնձաղիկ կըլինի:

ա. է. ը. ի.

մ. ը. տ. ձ. ն. կ. ղ. ծ. լ. ս.

Մ. ը. Տ. զ. Ն. Կ. Ղ. Ծ. Լ. Ս.

Ապ—րի—լը կա—պոյտ մա—հու—շակ.

պ. շ. ու. ոյ.

պապ, պաս, պատ, կապ, ուր, ում, ուլ,

էշ, շուն, ուշ, շուտ, նուշ, կոյս, լոյս, ծոյլ,

կատու, կաշի, շամամ, մաշիկ, Արշակ.

կապած, անկապ, պանիր, կապոյտ, Ղուկաս.

Ապրիլը տալիս է կապոյտ մանուշակ:

Մանուշակը կապոյտ ծաղիկ է:

Կապոյտ մանուշակը ծաղկում է ապրիլին:


Ապրիլին ծաղկում է կապոյտ մանուշակը:

ա. է. ը. ի. ու. ոյ.

լ. ծ. կ. ձ. ղ. մ. ն. շ. պ. ս. տ. ը. ւ.

Ս. է. Ը. Ի.

Լ. Ծ. Կ. Ձ. Ղ. Մ. Ն. Ծ. Պ. Ս. Տ. Բ.



ուլ



էշ



շուն

Մայիսին բացուում է վարդը.

այ. ց. վ. դ.

այս, այդ, այն, բայց, բան, բոյս, բաց.

լաց, ցուրտ, դա, դու, դաս, սարդ.

վաղ, վաշ, վար, վուշ, սայլ, մայր, այծ.

այսպէս, այդպէս, այնպէս, վայրի.

Վարդը մայիսին է բացուում:

Մայիսին վարդը բացուում է:

Կարմիր վարդը բացուում է մայիսին:

ա. է. ր. ի. ու. ոյ. այ.

բ. դ. լ. ծ. կ. ձ. զ. մ. ն. շ. պ. ս. վ. ա. ր. ց. լ.

Ս. է. Ը. Ի.

Բ. Գ. Լ. Ծ. Կ. Զ. Ղ. Ս. Ն. Շ. Պ. Ս. Վ. Տ. Բ. Յ. Ի.



այծ

Սոխակը երգում է անուշակ.

ո. ե. դ. խ.

սով, ծով, կով, բոխ, խակ, խաղ, խամ.

խուլ, մուխ, մեխ, սեխ, զեղ, գիր, գոմ.

գոյն, գայլ, գող, դող, աող, ցեղ, ցեխ.

Քեղամ, Գրիգոր, գերի, խախալ, խաղաղ.


Սոխակը շատ անուշ է երգում:

Սոխակի երգը շատ անուշ է:

ո. աւ.

որ, որպէս, որդի, ոսկի, որբ, որդ, օրս.

կաւ, խաւ, լաւ, ցաւ, նաւ.



կով



խոզ

Յունիսը մեզ խոտ է տալիս,
Իսկ յուլիսը առատ ցորեն:

յ. զ. ո.

մեզ, ձեզ. եզ, խոզ, զոխ, զարդ, պարզ.

ռուս, ռումբ, կեռ, տառ, բառ.

յայանի, յանկարծ, յանակ, յիտուն, Յիսուս.

լեզու, գազան, զանգակ, ռամիկ, ռեզին:

Յունիսն ու յուլիսը առատ ամիսներ են:

Ամառն ամեն բան առատ է լինում:

Ամառն անտառ, ձմեռը՝ դաշտ:

ա. ե. է. ը. ի. ո. ու. ոյ. սյ.

բ. գ. դ. զ. լ. խ. ծ. կ. ձ. ղ. մ. յ. ն. շ. պ. ո.

ս. վ. տ. ր. ց. ռ.

Ա. Ե. Է. Ը. Ի. Ո.

Բ. Գ. Դ. Զ. Լ. Խ. Ծ. Կ. Զ. Ը. Մ. Յ. Ն. Շ. Պ. Ռ.

Ս. Վ. Տ. Բ. Յ. Ի.

Օգոստոսը տանձ ու խնձոր
Եւ ուրիշ շատ հասուն մրգեր:

օ. և. հ.

օր, օղ, օղ, օձ, տօն, հօր, մօր.

և, սև, խև, արև, տերև.

Օգոստոսին հասնում են շատ մրգեր:

Ես այդ ամսին իմ հօր հետ գնում եմ այգի:

Սեպտեմբերը մեզ տալիս է

Խաղողի բոլոր տեսակը,



օձ



ուզա



ձի

Հոկտեմբերը կարմիր գինին,
Նոյեմբերը — բողկն ու տակը:

Դեկտեմբերին ձիւն է գալիս,
Յունևարին ծածկում սար ու ձոր,
Փետրևարին սկսում է
Փոփոխակի ցուրտ ու սաք օր:
իւ. փ. ք.

ձիւն, սիւն, իւր, իւղ, գիւղ, շիւղ.

փակ, փոս, փառք, քար, քոյր, քեղ, գէրք.

արին, հարիւր, փափուկ, քաղաք.

Ձիւնը դեկտեմբերին է գալիս:
Նոյեմբերին էլ է ձիւն գալիս:
Սարերումը ձիւնը շուտ է գալիս:
Յունևարին շատ ցուրտ է լինում:



Ահա այսպէս բոլոր տարին
Թաւալում է չորս շրջանում:
Սյս պատճառով չորս ժամանակ,
Չորս եղանակ է մեզ բերում:

Թ. չ. ճ. ժ. ջ.

Թաթ, Թութ, չիթ, չէչ, ճաթ, ճութ, ճաղ.


մաճ, ճաշ, ժամ, Թեժ, խեժ, ժախ, ժեռ.

ջանք, ջուխտ, սաջ, քաջ, լանջ, ունջ, մունջ.

Թանաք, ճանաչ, ջաղաց, ժառանգ, չամիչ.

Թիւ, լրիւ, հաշիւ, աիւ, խստիւ.

Ծոյլը պատժի արժանի է:
Ճրագն իր տակին լոյս չի տալ:
Ինչ որ անես, առաջըզ կըզայ:
Արած լաւութիւնը չի կորչիլ:



**Մեր դասատան աշակերտների
անունները.**

էա

Տիգրան Արամեանց.

Արսէնիկ Գուրգէնեանց.

Յարութիւն Յովսէփեանց.

Գրիգոր Միքայէլեանց.

Դանիէլ Իսրայէլեանց.

Յովհաննէս Մարկոսեանց.

Սիմէօն Եսայեանց.

Աշխէն Հայկազունի.

Եղիսաբէթ Արծրունի.

Հայկանուշ Աղայեանց.

Վարսենիկ Շահնազարեանց.

Գրեցէք ձեր և ձեր ընկերների անուններն ու ազգանունները:



յ. անձայն

Տղայ, երեխայ, ընծայ, հսկայ, արքայ, ճանպոյ, օրւայ, տարւայ . . .

(նա) գայ, տայ, լայ, հայ, գնայ, մնայ, աղայ, կարգայ, իմանայ, մոռանայ, ուշանայ, խնդայ, ուրախանայ, հիւանդանայ, տկարանայ, հասկանայ, լաւանայ . . .

(Ես) եկայ, իմացայ, մոռացայ, ուշացայ, ստացայ, հասկացայ, ուրախացայ, վեր կացայ, վայր եկայ, կերայ, կշտացայ . . .

Կիսաձայնաւոր.

հայ, վայ, չայ, փայ, Նոյ, հայր, մայր, վայր, ծայր, գալլ, սալլ, փալլ, ալլ, բայց, այժ, լոյս, բոյս, կոյս, ծոյլ, թոյլ, նշոյլ . . .

Բաղաձայն.

յոյս, յոյն, յարդ, յարգ, յարկ, յիշատակ, յիշել, յանկարծ, յայտնի, յատակ . . .

Վերացած.

սա, դա, նա, սըրա, դըրա, նըրա, (դու) ասա, աղա, արա, կարդա, խնդա, ղնա, մնա, (օտար բառեր և լատուկ անուններ) խաթա, բալա. մաշա, բօշա, ուստա, Յուդա, Երեմիա, Իտալիա . . .

Չ Ա Յ Ն Ա Ի Ո Ր Ն Ե Ր .

ւ. ե. է. ը. ի. ո. օ. ու.
իւ. եւ. եօ. ոյ. այ.

Բ Ո Լ Ո Ր Ա Պ Ի Ր .

ա. բ. գ. դ. ե. զ. է. ը. թ. ժ. ի. լ. խ.
ծ. կ. հ. ճ. զ. ճ. յ. ն. շ. ո. չ. պ. ջ.
ա. ս. վ. ա. ր. ց. լ. փ. ք. և. օ. ֆ

Գ Լ Խ Ա Պ Ի Ր .

Ա. Բ. Գ. Դ. Ե. Զ. Է. Ը. Թ. Ժ. Ի. Լ. Խ. Ծ. Կ. Հ.
Ձ. Ղ. Ճ. Մ. Յ. Ն. Ծ. Ո. Չ. Պ. Ջ. Ռ. Ս. Վ. Տ.
Ր. Յ. Ի. Փ. Բ. Օ. Ֆ.

Ն Օ Տ Ր Ա Պ Ի Ր .

ա. բ. գ. դ. ե. զ. է. ը. թ. ժ. ի. լ. խ. ծ. կ. հ. ճ. զ. ճ. յ. ն. շ. ո. չ. պ. ջ.
ա. ս. վ. ա. ր. ց. լ. փ. ք. և. օ. ֆ.

Ծ Ա Ղ Կ Ա Պ Ի Ր .

Ա. Բ. Գ. Դ. Ե. Զ. Է. Ը. Թ. Ժ. Ի. Լ. Խ. Ծ.
Կ. Հ. Ձ. Ղ. Ճ. Մ. Յ. Ն. Ծ. Ո. Չ. Պ. Ջ. Ռ.
Ս. Վ. Տ. Ր. Յ. Ի. Փ. Բ. Օ. Ֆ.

Շ Ղ Ա Պ Ի Ր .

ա. բ. գ. դ. ե. զ. է. ը. թ. ժ. ի. լ. խ. ծ. կ.
ն. ճ. դ. ճ. յ. ն. շ. ո. չ. պ. ջ. ո. ս. վ. ա.
ր. ց. լ. փ. ք. և. օ. ֆ.



Թ Ռ Չ Ն Ի Կ Ն Ե Ր

Ա Ղ Ո Ի Ն Ա Կ

Ղ ճ լ-ղ ճ լ-ղ ճ լ,
Ա՛ զ ու-ղ ճ լ,
Ն ա՛կ, Ն ա՛կ,
Ա-ղ ու-ն ա՛կ,
Թ ը՛ռ ռ ռ . . .

Կ Ա Չ Ա Ղ Ա Կ

Չ ա՛ չ ա՛-չ ա՛,
Կ ա՛ չ ա-չ ա՛,
Ղ ա՛կ, զ ա՛կ,
Կ ա-չ ա-ղ ա՛կ,
Թ ը՛ռ ռ ռ . . .

Ծ Ի Տ Ի Կ

Ծ ի ա եմ, ծ ի ա եմ,
Ծ ը լ լ ը լ ը լ եմ,
Ճ ի կ, ճ ի կ, ճ ի կ,

Աստուտում եմ,
 Թըռչկոտում եմ,
 Տի՛կ, տի՛կ, տի՛կ.
 Արի, թե՛իկ,
 Արի, փետրիկ,
 Որ ես դառնամ
 Փոքրիկ ծիաիկ,
 Փոքրիկ ծիաիկ,
 Պիճիկ, միճիկ,
 Թը՛ռռռ...




ԶՈՐՍ ԵՂԱՆԱԿ


Մարտը տալիս է ձնծաղիկ,
 Ապրիլը կապոյտ մանուշակ,
 Մայիսին բացուում է վարդը,
 Սոխակը երգում անուշակ:
 Յունիսը մեզ խոտ է տալիս,
 Իսկ Յուլիսը առատ ցորեն,
 Օգոստոսը տանձ ու խնձոր,
 Եւ ուրիշ շատ հասուն մրգեր:
 Սեպտեմբերը մեզ տալիս է
 Խաղողի բոլոր տեսակը,
 Հոկտեմբերը կարմիր գինին,
 Նոյեմբերը բողկն ու տակը:
 Դեկտեմբերին ձիւն է գալիս,
 Յունևարին ծածկուում սար ու ձոր,
 Փետրևարին սկսուում է
 Փոփոխակի ցուրտ ու տաք օր:
 Ահա այսպէս բոլոր տարին
 Թաւալուում է չորս շրջանում.
 Այս պատճառով չորս ժամանակ,
 Զորս եղանակ է մեզ բերում:

36215-66

БИБЛИОТЕКА
 ИНСТИТУТА
 СОСТОЯТЕЛЬНИИ
 Академии Наук
 СССР



ՀՍՍՐ-ԱՐՄ ԵՍՐ
 Կ. Ա. ՄԱՇՈՒԿԻՆԱ
 1977



Ա Ք Ա Ղ Ա Ղ

Աքաղաղը կանչում է.

Ծուղրուղո՛ւ,

Ղո՛ւ—ղո՛ւ—ղո՛ւ:

Պառաւ նանը զարթնում է.

Տա՛ւ—տա՛ւ—տա՛ւ.

Պա՛ւ—պա՛ւ—պա՛ւ:

Աքլար, ինչո՛ւ կանչեցիր,

Ինչո՛ւ նանին զարթեցրիր.

Ա՛խ դո՛ւ—դո՛ւ, ա՛յ ջո՛ւ—ջո՛ւ:

* *

Ա՛խ նանի, ջան նանի,

Մեզ մի՛ վեր կացընի.

Թո՛ղ մի քիչ էլ մնանք,

Քնից լաւ կշտանանք:

Աքլարը շուտ է կանչում.

Աքլարը քեզ է խաբում.

Ա՛քլար, ինչո՛ւ կանչեցիր,

Ինչո՛ւ նանին զարթեցրիր.

Ա՛խ դո՛ւ—դո՛ւ,

Ա՛յ ջո՛ւ—ջո՛ւ:

Ա Ռ Ա Ի Օ Տ

Արեգակը դուրս է եկել

Պրսպրդալով.

Շողքը հերթից ներս է ընկել

Շողշողալով.

Ծիտը ծառին կըչկըչում է

Ծրվվալով.

Զորումն առուն քըչքըչում է

Վըշվըշալով.

Ծոյլ տղայի քունն է տարել

Խըռըմփալով.

Տրեխները շունն է տարել

Սըռմըռալով:

Լ ՈՒ Ս Ա Յ Ա Ի

Լուսացաւ, լուսացաւ, լուսն է բարին,
ծիտն է ծառին, հասն է թառին: Աշխատա-
ւոր, վեր կաց բանի, ծոյլ տղայի քունը տանի:



Ինչո՞ւ աքլարը կանգնած է բակում, պինդ-
պինդ կանչում է իր կուկուրիկուն: — Էնդուր
որ վաղուց արևն է ծագել, բայց ծոյլ երե-
խան քնից չէ զարթել: Դեռ չէ վեր կացել
աղօթքն արել, դպրոցի դասը դեռ չէ սո-
վորել: Կանչում է աքլարն իր կուկուրիկուն,
տղայոց պարտքը միտներն է ձրգում:



Մ Ե Մ Ի Ա Մ Գ Ա Ռ Ն Ի Կ

— Ինչի՞ կուլաս դու, գառնիկ.
«Խիստ ծեծ կերայ ես, մայրիկ:
— Քեզ ո՞վ ծեծեց, իմ գառնիկ.
«Մէկ չար պառաւ, անխ, մայրիկ:
— Ինչի՞ ծեծեց քեզ, գառնիկ.
«Ծառի տակն էի, մայրիկ:
— Ինչո՞վ ծեծեց քեզ, գառնիկ.
«Մեծ մահակով, ո՞հ, մայրիկ.
— Ո՞րտեղիդ զարկեց, գառնիկ.
«Ոտիկներիս, ո՞հ, մայրիկ:
— Ի՞նչպէս լացիր դու, գառնիկ.
«Մէ... մէ... մէ... մէ...



Մ Ի Տ Ը Ե Ի Բ Ա Ձ Է Ն

Միտը ծառին ծրվելում է.
Միւ, ծիւ, ծիւ:
Բազէն գլխին պարտում է.
Վո՞ւյ, վո՞ւյ, վո՞ւյ:

Ծիարը լռեց, ծիարը վախեց.

Վայ, վայ, վայ:

Բազէ, թը՛ռռ. բազէ, թը՛ռռ.

Հայ, հայ, հայ:

Բազէն թռաւ,

Բազէն փախաւ,

Ինչ լաւ էլաւ,

Հէ, Տէ, Տէ:

Ծիտիկ միտիկ, պիծիկ միծիկ,

Պըտպըտուրիկ, շըլպըտուրիկ,

Դու լաւ պրծար շար բազէի


Սուր ճանկերից. հայ, հայ, հայ:



ՀԱՐՍԻ ՀԱՇԻԻԸ

Երկուշաբթի հաց կը թխեմ, երեք-
շաբթի լոշ կը թըջեմ, չորեքշաբթի լըւացք
կանեմ, հինգշաբթի կար կը կարեմ, ուր-

բաթ օրը պաս կը կենամ, շաբաթ օրը
ժամ կը զնամ, լոյս կիրակի փռանց-փռանց՝
կը զարդարւիմ կերթամ հօրանց:



Ա Ր Ե Ի

Արև, արև, Եկ, Եկ,

Զիզի քարին վէր եկ.

Սև-սև ամպեր, հեռացէք,

Արևին ճանպայ տըէք.

Թողէք դա գայ մեզ մօտ.

Դրա լոյսին ենք կարօտ:

Կարմիր արև, Եկ, Եկ,

Նախշուն քարին վէր եկ:

Արևը յաղթեց ամպերին,

Շողքը ձրգեց սարերին.

Զիզի քարը, տես տես.

Պսպղում է ոսկու պէս.

Սիրուն արև, միշտ եկ,

Զիզի քարին վէր եկ:

Հ Ե Ք Ի Ա Թ

1.

Ձմեռն էր, գիշերը երկար:

Գիւննազ տատը՝ գլուխը քուրսու վրայ,
դրած՝ ննջում էր:

Երեխէքը վրայ թափեցան, քունը
փախցրին, որ իրանց համար մի հէքիաթ ապի:
Նա էլ սկսեց.

«Էլեւ է չի էլեւ՝ մի սիրուն Արտուաիկ-
կատուցը սուր՝ մեր Արշակի քթի նման:
Բժքուլը խուճուճ՝ Տիգրանի մազերի նման:
Թւերը փափրկի՝ Շողիկի կուների նման:
Ահա այսպէս սիրուն էր Արտուաիկը:

— Բա ինձ նման ոչինչ չունէ՞ր, ասեց
Վանին:

— Բա ի՞նձ, ձայն տըւեց Հռիփսիկը:

— Ինձ էլ չասեցիր, տատի, լաց էլառ:

Նազիկը:

— Սպասեցէք, սպասեցէք, երեխէք, դեռ
չեմ վերջացրել. ամենքիդ էլ բաժին կըտամ,
ասեց տատը և շարունակեց.

«Աչիկներն այնպէս նախշուն էին, ինչ-
պէս Վանինի աչքերը:

Կատարն այնպէս կարմիր էր, ինչպէս
Հռիփսիկի թշերը:

Ոտներն այնպէս բարակ էին, ինչպէս
Նազիկի մատները:

— Ես ոտները չեմ ուզում, ասաց Նա-
զիկը:

— Լաւ, ոտներ չեմ ասիլ. տոտիկները
կուզես:

— Ձե՛մ ուզում, ես տոտիկներն էլ չեմ
ուզո՞ւմ:

— Բա ի՞նչը կուզես, Նազիկ:

— Ես աչիկներն եմ ուզում:

— Աչիկներն ինձ է տըւել տատը, քեզ
չեմ տալ, գոչեց Վանին:

— Նազիկ, կուզես՞ կատարը դու վեր
առ, տոտիկները ես կըվերցնեմ, ասեց
Հռիփսիկը:

— Ձե՛մ ուզում, ես աչիկներն եմ ուզո՞ւմ:

— Վանի, դու կատարը վերցրու, ես
տոտիկները, իսկ Նազիկը՝ աչիկները:

— Ի՞նչ եմ անում կատարը. տատը ում
ինչ որ տըւել է, այն է նրանը:

— Ճշմարիտ է ասում Վանին, ամեն
կողմից գոչեցին երեխէքը:

Նազիկը գոչ չըմնաց, և վէճը երկար
շարունակեց: Բայց տատը չէր լսում. նա
գլուխը դրել էր բարձին եւ քնել: Ել չէին
կարող զարթեցնել: Վեր կացան իրանք
էլ մտան տեղերը:

2.

Միւս երեկոյին երեխէքը էլի հաւար-
ւեցան տատի մօտ, որ շարունակի հէքիաթը:
Նա էլ սկսեց.

«Անցած դարնանը մեր պարտեղի ծառի
վրայ մի սիրուն Կրկու կար: Ես նրա-
տած էի ծառի տակին, և դուք մէկ-մէկ
եկաք ինձ մօտ:

Երբ որ Արշակը ներս մտաւ, Կրկուն
կանչեց՝ «կո՛ւ—կո՛ւ»:

Եկաւ Շողիկը, ասեց՝ «պո՛ւ—պո՛ւ»:

Եկաւ Տիգրանը՝ ասեց՝ «տո՛ւ—տո՛ւ»:

Եկաւ Վանին, ասեց՝ «գո՛ւ—գո՛ւ»:

Եկաւ Հռիփսիկը, ասեց՝ «բու—բո՛ւ»:

Եկաւ Նազիկը, Կրկուն էլ ոչինչ չասեց,
Թուա գնաց...

— Օ՛խ, օ՛խ, Նազի՛կ, օ՛խ օ՛խ, Կրկուն
քեզ համար ոչինչ չի ասել, — միաբերան
ձայն տըւին երեխէքը:

Նազիկը շատ նեղացաւ, թէ ինչո՞ւ
Կրկուն իր համար ոչինչ չի ասել. և սկսեց
լաց լինել: Տատը նրան ասեց.

— Նազիկ, գիտե՞ս ինչու Կրկուն քեզ
համար բան չասեց. նա վախեցաւ քեզ բան
ասել: Ի՞նչ որ ասէր, դու չըպիտի հաւա-
նէիր, ուրիշն էլ իրանը քեզ չէր տալու,
ինչպէս անցած երեկոյին:

— Տատի ջան, տատի, որ մէկ էլ Կր-
կուն գայ, ասա ինձ համար էլ մէկ բան
ասի, — աղաչեց Նազիկը, և նրանից յե-
տոյ շատ խելօքացաւ:



ԱՆՏԱՌԻ ՄԱՆՈՒԿԸ

1.

Անտառի խորքում մի ճօճ կար կապած
և նրա մէջ մի մանուկ դրած:

Լաց էր լինում մանուկը:

Մայր չըկար մօտը, որ ծիծ տար, հայր
չըկար՝ որ պահպանէր:

Անտառումը մարդ չըկար:

Մի գթոտ պախրակով կաթնալից կրծ-
քով եկաւ ճօճի մօտ իր հորթուկի հետ և
տխուր ձայնով երեխին ասեց.

Սիրուն երեխայ, որք ես մնացել,

Քո անբախտ մօրը գերի՛ են տարել.

Նա գնաց, կորաւ, էլ չետ չի գալու,

էլ ոչ մի անգամ քեզ ծիծ չի տալու:

Նա քեզ փաթաթեց լայն տերեւերով,

ճօճի մէջ կապեց «նանիկ» ասելով,

Նա լաց էր լինում աղի արցունքով,

Իր վերջին նանիկն ասում էր լալով.

«Նանա՛, բալիկս, նանա՛,

Մեծատերև թաթաշոր,

Մանրատերև ոտաշոր.

Քամին կանի ժած կրտայ,
Պախրէն կըգայ ծիծ կրտայ.

Նանա՛, գառնուկս, նանա՛»:

Ահա եկել եմ, որ քեզ ծիծ տամ ես,

Պահեմ, պահպանեմ իմ հորթուկիս պէս:

2.

Պախրան ծիծ տըլաւ երեխին:

Երեխան կշտացաւ ու քնեց: Պախրան իր
հորթը թողեց երեխի մօտ, իսկ ինքը գը-
նաց արածելու, որ կաթը շատացնի և գայ
երկուսին էլ ծիծ տայ:

Հորթը մնաց երեխի մօտ, օրօրեց նրան
և նանիկ ասեց.

Նանա՛, մանկիկ, նանա՛.

Իմ մայրը քո մօր նման չի,

Ամեն խոտից կծիլ չի,

Ամեն ջրից խմիլ չի,

Ամեն տափի նստիլ չի:

Նա սարէտար ման կըգայ,

Որք կըգտնի ծիծ կրտայ.

Նանա՛, մանկիկ, նանա՛:

3.

Պախրան կուրծքը լիքը յետ դարձաւ ա-
րօտատեղից և ծիծ տըլաւ երեխին էլ, հոր-
թին էլ:

Ով որ տարով կրմեծանայ, մեր երեխան օրով մեծացաւ: Շատ չանցաւ, նա դուրս եկաւ ճօճիցը. մի օր չորեքթաթ տըլաւ, միւս օրը ոտքի կանգնեց: Մի քանի անգամ սկըհաց վէր ընկաւ, բայց շուտով ամրացաւ եւ սկսեց պախրի ետեից վազվըզել:

4.

Մի թագաւորի որդի չէր լինում: Երազումն ասացին. «Թագաւոր, Սատուած քեզ մի որդի պիտի տայ անտառի խորքումը»:

Մէկ անգամ անգաւակ թագաւորը որսի գնաց իր որսորդների հետ:

Շատ ման եկան, ոչինչ չըգտան, ոչ մի որս չըպատահեց նրանց:

Բայց որ հասան անտառի խորքը, այնտեղ մի պախրի հետք գտան և նրա մօտ երեխի ոտնատեղեր:


Ամենքը մնացին զարմացած և չէին հաւատում, որ երեխի կըլինի ոտնատեղերը. բայց թագաւորն իսկոյն յիշեց իր երազը և հրամայեց որսորդներին, որ երեխի հետքը քշեն, և ուր որ լինի, գտնեն նրան:

Որսորդները գնացին, և երկու ժամ չանցած՝ մի սիրուն տղայ բերին թագաւորի

մօտ եւ պատմեցին, թէ ինչպէս գտան նրան պախրի ծիծը ծծելիս:

Թագաւորը շատ ուրախացաւ: Երեխին զրկեց, համբուրեց և անունը դրաւ Պախրատուր:

Պախրատուրը մեծացաւ թագաւորի պալատումը, լաւ ուսում առաւ, վերջը դառաւ թագաւոր, և մեծ զօրքով գնաց իր մօրը ազատեց գերութիւնից:



ՈՐԲԻ ՊԱՆՈՂՆ ԱՍՏՈՒԱԾ Է:

Փայլուն արևը արդէն մայր մտաւ,
 Լուսինն էլ վաղուց գնաց թաք կացաւ.
 Գիշերւայ մութը աշխարհս պատեց
 Եւ աշնանային ցուրտ քամին փչեց:

Ամեն մարդ քաշեց իր տունը մտաւ.
 Ամեն երեսայ մօր գիրկըն ընկաւ.
 Միայն մի խեղճ որբ, որ չունէր հայր, մայր,
 Ոչ մի ազգական, ոչ քոյր, ոչ եղբայր,
 Ոտքերը բոբիկ, տկո՛ր ու քաղցած,
 Մի տան պատի տակ մնաց կուչ եկած:
 Բարի տան-տէրը վերեւից նայեց,
 Մեր թշուառ որբին ներս հրաւիրեց.
 Եւ այնուհետեւ տարաբախտ տղան
 Ունէր իր համար տէր ու տիրական:



Ա Ն Ձ Ր Ե Ի .

Անձրև անձրև, ցած արի,
 Բըսցուր ցորեն ու գարի.
 Բըսցուր ծաղիկ, կանաչ խոտ,
 Աւլէ փոշի, մաքրէ օդ:
 Անձրև անձրև, ցած արի,
 Գալըզ ամենուս բարի:

Ճ Օ Ղ Ի (արևաբեր)

Ճօլի ճօլի, ճօլ չրկայ,
 Խաւիժ անեմ, եղ չրկայ,
 Ճօլին ընկել է ծովը,
 Ծովիցը հանող չրկայ:
 Ջրան բերէք, դուրս հանենք,
 Թոկ բերէք, կցան անենք,
 Ջու բերէք, թաթին ղնենք,
 Եղ բերէք, վարսը քսենք:
 Խոփը պատումն է ժանգոտել,
 Ջւիչը տափումն է ժանգոտել,
 Կանաչ դաշտերին ենք կարօտ,
 Կարմիր արեւին ենք կարօտ:

Ն Ո Ւ Ր Ի (անձրևաբեր)

Նուրին Նուրին եկել է, Աջրա Նուրին եկել է,
 Շիլա շապիկ հագել է, կարմիր դօտիկ կապել է.
 Եղ բերէք, վարսը քսենք, ջուր բերէք, գլխին ածենք.
 Մեր Նուրինի փայլ տուէք, ուտենք, խմենք, քեփ անենք:



Ծննդեան երգ

Ալէլուիա, ալէլուիա,
 Զրօրհնէքը ճրագլուսով,
 Զատիկը՝ արելուսով.
 Թէ քնած էք, վեր զարթեցէք,
 Թէ զարթուն էք, լաւ լսեցէք:

Մարիամ եկաւ լալով լալով,
 Լալով լալով, մղկրտալով.
 Լուսաթաթախ մանուկ ծնեց,
 Ծով ու ցամաք լուսով պատեց:

Զեր տունն է չորեքսինի,
 Զորս սիններից ո՞րն է սալի.
 Սալը չարակամի սրտին,
 Ապրի բարեկամի որդին:
 Տունըչէն, տունըչէն,
 Զեր տղոց անունն ի՞նչ է.
 — Հայկ ու Արամ է:

Դրանք նստեն մէկ սեղանի,
 Գինի խմեն Նախջւանի,

Զեր թշնամուն գետը տանի,
 Գայլագռաւը աչքը հանի.
 Մէկ պոչատ հաւ, մէկ ըստիլ եղ
 Տըւէք, Ալէլուիան տանի:



Ռատելիք և խմելիք

Մարդը ուտում է, խմում է, կրծում է,
 ծծում է, խրպշտում է, կուլ է տալիս, լամ-
 լամում է: Գինին խմում են, իսկ բացախը
 ուտում են իրան գլխու կամ կերակուրի
 մէջ: Կաթը բրթում ուտում են իրան գըլ-
 խու և թէյի հետ խմում են: Երեխան
 ծծում է մօր կաթը: Մսաջուրը, խաշուն,
 շորան, թանէսպասը, փթրուկը, մախո-
 խը ուտում են և խրպշտում են: Միսն
 ուտում են, իսկ ոսկորը կրծում: Դեղը
 խմում են, եթէ ջրի է, իսկ դեղահատերը

կուլ են տալիս: Պինդ կերակուրներն ուտելիս ծամուժ են, բայց ատամ չունեցողները լամլամուժ են: Մաստակը ծամուժ են որոճող ուղտի նման: Շունը լակում է, լափում է:



Գղալ-փոխ

Ամառն էր: Հունձն ընկել էր: Մէկ լոռեցի և մէկ աշտարակցի միասին հունձ էին անում: Չաշի ժամանակ նրանց համար մածուն բերին մի մեծ մաթրաթով, բայց երկու գղալի տեղ մէկն էին բերել:

Երբ որ մածնի բրթուճը պատրաստեցին, աշտարակցին ասեց.

— Գղալը մէկ հատ է. արի՛ գղալ-փոխ անենք, գղալ-փոխ ուտենք:

Լոռեցին չըհամսձայնեց, ասեց.

— Թող ես գղալով ուտեմ, դու ձեռով կեր:

— Աչ, խաստասխանեց աշտարակցին: Արովհետեւ գղալ-փոխ չես ուզում, արի՛ մէկ բան ասեմ, այնպէս անենք: Ով որ մեղանից եօթը գիւղի անուն տայ վրայ-վրայ, շուտ-շուտ, գղալով նա ուտի:

— Լաւ. առաջ ես կասեմ, ասեց լոռեցին ու սկսեց.

— Հլէ, Լօ...ռի. հլէ, Ու...զո՛ւն...լա՛ր...

Լոռեցին միայն երկու գիւղի անուն տրւեց, այն էլ չբկարողացաւ շուտ-շուտ ասել ու սուս կացաւ: Յետոյ աշտարակցին սկսեց, և կարկտի պէս վրայ տրւեց.

Ուշի—Ուշական

Փարպի—Բիրական

Թալին—Թալիշ—Մաստարա

Գղալի պոչը դէսն արա:

Ասեց ու գղալն խառաւ լոռեցու ձեռքիցը: Լոռեցու բերանը մնաց բաց. բայց էլ ի՞նչ կարող էր անել. խաղը տանուլ էր տրւել...

Շուտասելուկներ

1. Ուսուցիչն ուսուցչին ասեց սնուցիչ
Սնուցիչն ուսուցչին ասեց ուսուցիչ:
2. Ծաի ճռտը ճմբան ծերին ճիտը ծուռ:
3. Ակնակապ Ակոբ ապէր դու ինձ համար
մի ջուխտ ակը կապի ես քեզ ասեմ քեզ
արքայութիւն ակնակապ Ակոբ ապէր:



Խելօք գլուխը

Բերանն ասեց. ես ամեն ինչ կուտեմ,
կըխամեմ.

Գլուխն ասեց. հը՛մ:

Զեռքն ասեց. ես ամեն ինչ կըշինեմ,
կըքանդեմ.

Գլուխն ասեց. հը՛մ:

Լեզուն ասեց. ես ինչ ուզեմ կասեմ,
կըպատմեմ.

Գլուխն ասեց. հը՛մ:

Ոտքն ասեց. ես ամեն տեղ կերթամ,
ման կըգամ.

Գլուխն ասեց. հը՛մ:

Բերանն ու ձեռքը, լեզուն ու ոտքը
ասացին գլխին.

— Ինչո՞ւ ես «հը՛մ» անում:

Գլուխը պատասխանեց.

— Ի՛նչ անէք չանէք, առաջ՛ ինձ պիտի

հարցնէք:

Բերանը մնաց բաց, իսկ լեզուն կըմ-
կըմալով ասեց.

— Հա՛... ըզըզորդ, ըզըզորդ է ասում
գըզըզըլուխը...

Ոտքով ման եմ գալիս,

Զեռքով աշխատում,

Սչքով տեսնում եմ,

Սկանջով լսում:

Իսկ իմ չարն ու բարին,

Իմ լաւն ու վատը

Ո՞վ է իմանում:

— Խելօք գլուխս:

Հին գ զգայարանք
 Ես աչքով տեսնում եմ,
 Ականջով լսում,
 Քիթով հոտ եմ առնում,
 Լեզուով ճաշակում.
 Իսկ ցուրան ու տաքը,
 Կոշան ու կակուղը
 Ինչո՞վ եմ զգում.
 — Բոլոր մարմնովս եմ շօշափում:

Արհեստ ընտրող մանուկը

Թորոսի որդին մի ծոյլ տղայ էր. ոչ գիր էր սովորում և ոչ մի արհեստ:

— Ի՞նչ արհեստ սովորիմ, — փնթփրնթում էր նա. — կլեկչութիւնը շատ լաւ արհեստ է, բայց բոբիկ ոտքով ամանում կանգնել, արագ պտըտել, դա այնքան չեշտ չէ: Աւելի չեշտ է փուքսի փչելը, բայց այդ իմ ձեռքում երկար չեն թողնիլ: Վարպետ էլ դառնամ, ի՞նչ եմ անելու. պէտք է մատներով փոքր ինչ բամբակով տաք-տաք

պղնձին նաշաղիր քսեմ, ձեռքերս այրե՞մ: Չէ, այդ իմ բան չէ:

— Իարքնի մօտ կերթամ. այնտեղ էլ փուքս կայ, ձմեռն էլ տաք է. բայց մեծ ուժ պէտք է այդ գործի համար: Ահագին մուրճով երկաթը ծեծել, որ նա տափակի, — ես այդ չեմ անիլ, ինչ կուզի լինի:

— Նալբանդը լաւ է: Մեխի ծայր սրել և պայտեր շտկել, այդ շատ դժւար չէ. բայց մէկ ամէ՛հի ձիու ոտք բռնել, ծնկանը դնել — երկիւղալի է. ձիու աքացին իմ ընկերների ապտակից թունդ է: Չէ, իմ կարծիքով դա լաւ արհեստ չէ:

— Իերձակութիւնը մաքուր արհեստ է. լաւ միտս ընկաւ: Բայց ի՞նչ եմ ասում. ամբողջ օրերով ծալպատակ նստել, գլուխ քաշ գցած կարել ու կարել, ոչ խաղալ կըլնի և ոչ վազվզել: Չէ, դա էլ բան չէ:

— Ինչո՞ւ չըզնամ որմնաղիր դառնամ, բարձր պատերի ծայրերին կանգնեմ, այնտեղից կանչեմ. — չքար ու կիր տըւէք, աղիւս ձգեցէք»: Այսպէս կըզոռամ և կըհրամայեմ, որ աշխարհք տեսնի, թէ ես վար-

եպա եմ, գործս լաւ գիտեմ: Բայց վայ թէ
յանկարծ այդ բարձր տեղից ոտքս սկըճի
և թրմփալով ներքև գլորւիմ: Զէ, այդ ճեշտ
գործ չէ և ոչ իմ բանն է:

— Երևի չրկայ մի այնպէս արճեստ,
որ ես չաւանեմ, գնամ սովորեմ: Թէ ճիւսն
գառնամ, ոտքս կըկտրեմ. կօշկակար դառ-
նամ, ձեռքս կըծակեմ. ոսկերիչ դառնամ,
մատներս կայրեմ. թէ բրուտ դառնամ,
ցեխ պիտի կոխ տամ: վարժարան գնամ,
գիր պիտի սովրեմ: Զէ, իմ կարծիքով,
ամենից լաւ է՝ ոչինչ չըշինեմ, ոչինչ չը-
սովրեմ: Բայց այնու՛ճեաւ ես ի՞նչ կըդառնամ:



Ծոյլ աղջիկ

Բանն ի՞նչ կանեմ, կեղտոտ է,
Բամբակը կորիզոտ է.

Մետաքս պիտի որ մանեմ,
Մաստակ պիտի որ ծամեմ.

Կտերը տիտիկ անեմ,

Անցնողին մտիկ անեմ.

Ուտեմ, խմեմ,

Մթնի, քնեմ:

Ա. ու ա ծ ն եր

Իմացողին մին, չիմացողին չազար ու
մին: — Իմացողին մէկ ասա, չիմացողին չա
կանց, չա անա: — Սեին սապոնն ի՞նչ անի,
խեին խրատն ի՞նչ անի: — Ով որ երգի ամա-
ռը, նա պար կըդայ ձմեռը: — Մի բաժակ
ջուր, ով ուզի՛ տուր: — Էսօրւայ փուշը, էգուց-
ւայ նուշը: Հացն ուտելով, բանն անե-
լով: Ապրել կայ՝ երկաթ է, ապրել կայ՝
արծաթ է: Զուրի գողը ձիու գող կըդառ-
նայ: Տաշած բարը գետնին չի մնալ: Ծե-
րանաս, ծերի պատին իմանաս: Կուշտը
քաղցածին մանր կըբրթի:

Ուլերն ու գայլը

Լինում է չի լինում մի այծ: Այս այծն անտառումն իրան համար տուն է շինում եւ իր փոքրիկ ուլերի հետ բնակում է նրա մէջ: Ամեն առաւօտ այծը դուրս է գնում արածելու: Գնալուց առաջ նա ստում է իր ձագերին. «Ո՛րդիք, դռները փակեցէք, հանգիստ կացէք եւ եթէ դրսից մարդ գալու լինի, դուռը բաց չանէք»: Ասում է ու գնում: Գաշտումը լաւ արածելուց, կուրծը կաթնով լցնելուց յետոյ այծը տուն է գալիս: Տան դռները փակ են: Նա պոզերով դուռը ծեծում է ու կանչում.

«Չալիկ-մալիկ ուլիկներ,
 Չալ-պրտուրիկ այծիկներ,
 Ելէք բացէք տան դուռը,
 Պատրաստ է ձեր ապուրը»:

Ուլերը բաց են անում դուռը: Մայրը ծիծ է տալիս նրանց եւ կրկին գնում արածելու:

Այս ամենը տեսնում ու լսում է գայլը. նա մըտքումը դնում է, որ խաբելով ներս մտնէ ուլերի փարսիւր, երբ մայրն այնտեղ չըլինի: Մի օր, երբ այծը դուրսն է լինում, գայլը կամաց-կամաց գալիս է, թաթով դռանը խփում է ու կանչում.

Չալիկ-մալիկ ուլիկներ,
 Չալ-պրտուրիկ այծիկներ,
 Ելէք բացէք տան դուռը,
 Պատրաստ է ձեր ապուրը»:

Ուլերը մի լաւ ականջ են դնում: Նրանք հասկանում են որ դուռը թխկթխկացնողն իրանց մայրը

չէ եւ պատասխանում են. «Դու մեր մայրը չես, կորի՛ր հեռացիր այդտեղից. մեր մայրը բարակ ձայնով ու քաղցր է մկրկում, դուռն էլ պոզերով է ծեծում»: Ասում են ու դուռը բաց չեն անում: Գայլը թողում հեռանում է: Փոքր ժամանակից յետոյ գալիս է մայրը. նա գուլում է ուլերին, որ դուռը բաց չեն արել: — «Դուք շատ լաւ էք արել, որդիք, որ դուռը բաց չէք արել, թէ չէ՛ նա ձեզ ամենիդ էլ կուտէր»:

Պառաւն ու այծը

Կար չըլիար երբեմին
 Մի աղքատ պառւիկ,
 Ունէր մեր պառաւը
 Կաթնատու այծիկ.
 Չալիկ-մալիկ,
 Կաթնատու այծիկ:

Պառաւը ձրմեռը
 Այծիկը պահեց,
 Իր բերնի պատառը
 Նըրա հետ կիսեց.
 Սիրով—յօժար
 Նըրա հետ կիսեց:

Երբ ձիւնը հալեցաւ,
 Բըսաւ կանաչ խոտ,
 Պառաւն իր այծիկը
 Դուրս տարաւ արօտ.
 Ուրախ — զըւարթ
 Դուրս տարաւ արօտ:

Թանձր մառախուղը գետինքը պատեց,
Պառաւր առջեւից այժը կորցրեց.

Ափսճս, ափսճս,

Այժը կորցրեց:

Պառաւր լաց էլաւ, իսկ գայլը օռնաց,

Մոլորած այծիկը բարձր մրկրկաց.

Մըկը՛կ, մըկը՛կ,

Այժը մրկրկաց:

Գայլն իսկոյն մօտեցաւ այծին շարակեց,

Պառաւր ետեւից բարձրաձայն գոչեց.

«Հայ-հայ, վայ-վայ»,

Բարձրաձայն գոչեց:

Խեղճը մնաց կանգնած, մի փունջ խոտ ձեռին,

Անմխիթար ձայնով կանչելով այծին.

«Ե՛կ—եկ, եկ—եկ»,

Կանչելով այծին:



Ճախարակ

Մանի՛ր, մանի՛ր, իմ ճախարակ,

Մանի՛ր սիպտակ մալանչներ,

Մանի՛ր թելեր հաստ ու բարակ,

Որ ես հոգամ իմ ցաւեր:

Զէթ եմ ածել ականջներըդ,

Նոր շինել եմ շրտըւիկ,

Իէ՛հ, շուտ շարժի՛ր լայն թւերըդ,

Ոստեր շինիր սրբուիկ:

Մանի՛ր, մանի՛ր, իմ ճախարակ,

Լիսեռնիկդ պտրաիր,

Մանի՛ր թելեր հաստ ու բարակ,

Իլկիդ վրրայ փաթաթի՛ր:

Տիգրանիկս գուլբա չունի,

Հանդ է գնում ոտաբաց,

Գաբրիէլս չուխա չունի,

Միշտ անում է սուգ ու լաց:

Մանի՛ր, մանի՛ր, իմ ճախարակ,

Մանի՛ր սիպտակ փաթիլներ,

Մանի՛ր թելեր հաստ ու բարակ,

Որ ես հոգամ իմ ցաւեր:

Զըւալ չունի՛ք, չաթու չունի՛ք,

Ոչ սամոտէն, ոչ պարան,

Սյսպէս աղքատ դեռ եղած չենք,
Կտրել է ամեն բան:

Դեռ հարս էի, որ գործեցի
Քանի կարպետ, խալիչա,
Բայց դրանցից շուտ զրկեցի,
Հիմա չունիմ մի քեչա:

Կարմիր օրըս երբ սեւացաւ,
Եւ պարտք մնաց թէև քիչ,
Պարտատիրոջ սիրտն էլ սեցաւ,
Եկաւ տարաւ ամեն ինչ:

Մանիր, մանիր, իմ ճախարակ,
Մանիր սխալտակ քուլաներ,
Մանիր թելեր հաստ ու բարակ,
Որ ես հոգամ իմ ցաւեր:



Հանելուկ

Օհանն ու Վանին հանելուկներ էին
ասում: Ինչ որ մէկն ասում էր, միւսը
գտնում էր: Վերջը Օհանն ասեց.

—Սյն ի՞նչն է. «Տակը քար է, քար չէ.
գլուխը քար է, քար չէ. խոտ կուտի, կով
չէ. ձու կածի, հաւ չէ»:

Վանին շատ մտածեց, շատ բանի ա-
նուն տըլեց, չեղաւ, չըգտաւ: Յետոյ ա-
սեց. չեմ գտնում, ասա տեսնեմ ինչն է:

—Դէ մի քաղաք սուր, ասեմ:

—Երևանը քեզ:

—Ձեմ ուզում երևանը:

—Շուշին քեզ,

—Շուշին էլ չեմ ուզում:

—Սլէքսանդրապօլ, Նուխի, Բաքու,
Նախջրան:

—Ձեմ ուզում, չեմ ուզում, չեմ ուզում:

—Բա ո՞րը կուզես, Օհան:

—Թիֆլիզը:

—Է՛հ, քեզ լինի, դէ ասա:

—Դեռ ականջ դիր: Ուտեմ խմեմ Թիֆ-
լիզ, հազնեմ մաշեմ Թիֆլիզ: Ես մի քահ-

լան ճիու վրայ նստեմ, դու մի լղար ջո-
րու վրայ: Ես ուտեմ մածուն ու կաթ, դու
ուտես բորբոսնած ճաթ:

— Բաւական է, դէ ասա:

— Ասեմ. այն է, որ վրան կանգնում
ենք ու ասում. «Կորա՛, կորա՛, պապոնց տուն-
կորա՛, կորա՛, պապոնց տուն»:

— Հա՛, իմացայ, կրիան է:

Հիմա դուք ասացէք, քիչ հանելուկներ գիտէք:



Բ ա ո ա խ ա դ

Պօղոսն ու Պետրոսը բառախաղի էին տալիս:

Պօղոսը վարժւած էր, իսկ Պետրոսը նոր էր սովորում:

Ահա թէ ինչպէս էին խաղում.

Պօղոս. Պետրոս, ասա՛—տունը՞:

Պետրոս. Տունը՞:

Պօղոս. Քեզ կձի շունը՞:

Պօղոս. Ասա՛—դուրը՞:

Պետրոս. Գուրը՞:

Պօղոս. Ընկնիս ջուրը:

Պօղոս. Ասա՛—պա՛ս:

Պետրոս. Պա՛ս:

Պօղոս. Ուտես թանէսպա՛ս:

Պետրոս. Ել չեմ ասում. Հիմա ես կըհարցնեմ քեզ:

Պօղոս. Լա՛ւ, հարցրու:

Պետրոս. Ասա՛—ծիտ:

Պօղոս. Ծիտ:

Պետրոս. Ուտես մախոխ:

Պօղոս. Այդ չեղաւ, Պետրոս: Ես ասում եմ ծիտ, դու
ասում ես մախոխ. այդ քնչպէս կարելի է.
տեսնում ես նման չեն: Դեռ սպասիր, էլի ես
կըհարցնեմ—Ասա՛—ծիտ է:

Պետրոս. Ծիտ է:

Պօղոս. Պետրոսն անմիտ է:

Պետրոս. Եհ, էլ չեմ ասիլ: Ես անմիտ չեմ:

Պօղոս. Լաւ, շարունակենք, էլ այդպէս չեմ ասիլ: Ա-
սա՛—հաւ է:

Պետրոս. Հաւ ք.

Պողոս. Պետրոսը լաւ է:

Պողոս. Ասա՛—սանձ.

Պետրոս. Սանձ.

Պողոս. Պետրոսն ուտի տանձ:

Պետրոս. Հիմա ես կըհարցնեմ. ասա՛—ամբ.

Պողոս. Ամբ.

Պետրոս. Եաքարը ծամբ:

Պետրոս Ասա՛—հաց.

Պողոս. Հաց.

Պետրոս. Մի քիչ կաց:

Պողոս. Է՛հ, բաւական է, դու լաւերը չես իմանում:

Մ ա ու եր ի գ ա ն գ ա տը

Մեր արւած փայտից կրակ են անում, տուն տաքացնում, թոնիրը վառում, կերակուր եփում, փափուկ հաց թխում, ուտում կշտանում, բայց մեզ չեն յիշում, մեզ չեն պահպանում. այլ անգուլթ կերպով մեզ կոտորում են, մեզ փչացնում, ոչնչացնում:

Մեր գերաններից շինում են տներ, գոմեր, մարաքներ, ժամեր ու վանքեր, մեր տախտակներից. յատակ, առաստաղ, աթոռ, պահարան, սեղան, նստարան, դուռ ու պատուհան և այլ շատ տեսակ կահ ու կարա-

սիք: Բայց մեզ չեն յիշում, մեզ չեն պահպանում, այլ անգուլթ կերպով մեզ կոտորում են, մեզ փչացնում, ոչնչացնում:

Մեր գերաններից ու տախտակներից կամուրջ են շինում՝ դետերով անցնում. սայլեր են շինում՝ ամեն ինչ կրում. գուլթան են շինում՝ հողերը հերկում. լուծ, սամի շինում՝ եզ, գոմէշ լծում. օրօրոց շինում՝ մանկիկ օրօրում. քանոն են շինում՝ տետրակներ տողում. նաւեր են շինում՝ ծովի մէջ լողում: Բայց մեզ չեն յիշում, մեզ չեն պահպանում, այլ անգուլթ կերպով մեզ կոտորում են, մեզ փչացնում, ոչնչացնում:

Ո՞վ չի տանձ կերել կամ կարմիր խընձոր. նուռ ու սերկեիլ, կեռաս ու սալոր. դեղձ կարմրաթուշիկ, ծիրան անուշիկ: Հապա խաղողը... և քանի տեսակ. կանաչ ու կարմիր, թուխ-թուխ ու սպիտակ. և այդ ամենը մարդիկն են ուտում: Բայց մեզ չեն յիշում, մեզ չեն պահպանում:

Խելօք մանուկներ, դուք որ մեծանաք, մեզ խնայեցէք, մեզ պահպանեցէք, և ձեր

Հանդերում, ձեր պարտեզներում ծառեր
տնկեցէք:

Ուսումնարան

Իաշտը սիրուն է դալար բոյսերով
Եւ անուշահոտ գոյն-գոյն ծաղկներով.
Ուսումնարանը նոյնքան սիրուն է
Իր ուշիմ, խելօք, ժիր մանուկներով:

Սիրուն է ծառը կանաչ ճղներով,
Փունջ-փունջ կախոտած իւր պտուղներով.
Ուսումնարանը նոյնքան սիրուն է
Իր առաքինի, խելօք սաներով:

Աստուած, պահպանիր դու շատ օրերով
Մեր անդաստանը իր մշակներով.
Եւ մենք նորանում զուգւինք, զարդարւինք
Գեղեցիկ ուսման գոյն-գոյն փունջերով:

Ծ ի ծ ե ո ն ա կ

Խեղճ ծիծեռնակը ամբողջ ցերեկը չի
հանդատանում, այլ միշտ թռչելով, դէս դէն
ընկնելով՝ նիւթ է հաւաքում:

Նիւթ է հաւաքում—խոտ ու կաւ կրում,
իր բունը շինում, բմբուլով լցնում, լաւ
փափկացնում ու մէջը մտնում:

Մանում է մէջը, երէք ձու ածում և
երէք շաբաթ վրան թուխս նստում, ձա-
գուկներ հանում:

Փափլիկ ձագերը դուրս եկան թէ չէ,
մայրը թռչում է, դէս ու դէն ընկնում, մը-
ժեղներ բերում, նրանց կերակրում:

Մի քիչ ժամանակ որ անց է կենում,
սիրուն ձագերը թեւաօրում են, բնից դուրս
թռչում և իրանց մօր հետ ճանապարհ
ընկնում,— լայն-լայն դաշտերի, խոր-խոր ձո-
բերի, մութ անտառների, բարձր սարերի,
կապոյտ ծովերի վրայից անցնում, հեռու
տեղ գնում:

Զմեռն անցնում է, գարունը մանում.
մեր ծիծեռնակն էլի գալիս է իր բունը
գտնում, ճչում, ծլրլում, քանզւածը շրա-
կում, կարկատում, շինում, նոր ձուեր ա-
ծում, նոր ձագեր հանում, պահում մեծա-
ցնում, աշնան ժամանակ, առաջւայ նման
ճանապարհ ընկնում,— լայն-լայն դաշտերի,
խոր-խոր ձորերի, մութ անտառների, բարձր

սարերի, կապոյտ ծովերի վրայից անցնում,
հեռու տեղ գնում:

Երգ պանդխտի

Ծիծեռնակ, ծիծեռնակ, դու գարնան սիրուն թռչնակ,
Դէպի ո՛ւր, ինձ ասո՛ւ, թռչում ես այդպէս արագ:
Ա՛խ, թռի՛ր, ծիծեռնակ, ծնած տեղս՝ Աշտարակ.
Անգ շինիր քո բունը — հայրենի կտուրի տակ:
Անգ հեռու ալևոր հայր ունիմ սգաւոր,
Որ միակ իւր որդուն սպասում է օրէցօր:
Երբ տեսնես դու նորան, ինձնից շատ բարև արա,
Ասո՛ւ, թող նստի լայ իւր անբախտ որդու վրայ:
Դու պատմիր, թէ ինչպէս աստ անտէր ու խեղճ եմ ես,
Միշտ լալով, ողբալով կեանքս մաշուել, եղել կէս:
Ինձ համար ցերեկը մութ է շրջում արեգը,
Գիշերը թաց աչքիս քունը մօտ չի գալիս:
Շուտով սառ հողի տակ կը պառկեմ այստեղ մենակ-
Թողնելով հօրս սրտում միշտ ցաւալի յիշատակ:
Դէ՛հ, սիրուն ծիծեռնակ, հեռացի՛ր, գնա՛ արագ
Դէպի Հայոց աշխարհը, ծնած տեղս — Աշտարակ:



Մեղուն և Մարդը

Մեղուն մէկ անգամ հարցրեց իր տի-
րոջը.

— Քո կենդանիներից ո՞րն է ամենից
օգտակարը:

— Գիտեմ: դու երևի կարծում ես, թէ
ամենից օգտակարը դու ես, բայց սխալ-
ւում ես, պատասխանեց տէրը:

— Ի՞նչպէս, տէր. ո՞րն է այն կենդանին,
որ ինձանից աւելի օգտակար է:

— Ոչխարը:

— Ս,յդ հաշիւ չէ, տէր. ոչխարը իմ հա-
սակակիցս չէ: Նա մի ահագին կենդանի է,
խակ ես մի միջատ: Դու պէտք է ինձ իմ
ընկերների հետ համեմատես:

— Շատ բարի: Շերամը քեզ պէս փոքր
է, բայց քեզանից շատ օգուտ է տալիս:

— Շերամը ո՞րն է:

— Շերամն այն իմաստուն որդն է, որ
մեզ համար իր նման քնքուշ մետաքս է շի-
նում:

— Հան, իմացայ: Այդ այն շատակեր ճի-
ճուն չէ, որ անդադար կերակրում էք թը-
թան տերևով:

— Նա ինքն է:

— Բայց գիտես, տէր, նրա չափ որ մեզ
էլ կերակրէք, մենք մեզրի տեղ ոսկի կըշի-
նենք ձեզ համար: Բուք ոչ մի կենդանի չու-
նիք, որ իր կերակուրը մեզ նման ինքը լինի
շինելիս և ուրիշին էլ բաժին լինի տալիս:
Այնպէս չէ, պարոնս:

— Այո, այդ կողմանէ դու ուզիդ ես.
մենք զէպի ձեզ շատ ապերախա ենք, որով-
հետև բոլորովին անխնամ ենք թողնում
ձեզ. . .

Մեղուն ուրախացաւ տիրոջ պատասխա-
նիցը և թռաւ նստեց վարդենու վրայ:



Մ ե դ ու

Հան ծագեցաւ արեգակը,
Հան ծաղկեցաւ մանուշակը,
Մեղուն թողեց իր փեթակը
Տըզազալով, տըզազալով:

Մեղուն թռաւ ծաղկէ ծաղիկ,
Մեղըր առաւ քաղցր-անուշիկ,
Մոմը տարաւ հոտոտ, լուսիկ,
Պըզպըզալով, պըզպըզալով:

Անուշ մեղըր մանր արդոց,
Իեղին մոմը՝ ամեն սրբոց,
Իսկ չարերին կըճ ու խայթոց,
Կըսկըծալով, կըսկըծալով:



Կենդանիների Վեճը

Եզը, հովը և Շունը վիճում էին միմեանց
հետ և ամեն մինը պնդում էր, թէ «մեր
տէրը ամենից շատ ինձ է սիրում»:

— Իհարկէ, նա ինձ ամենքիցը շատ է
սիրում, ասում է Եզը. և գիտէք ինչու հա-
մար: Նրա համար որ ես եմ՝ նրա արօրն

ու տափանը քաշում, ես եմ նրա համար անտառից փայտ բերում: Նա ինձ է լծում սայլումը և իր ցորենը տանում ջաղաց, այնտեղ ալիւր շինում. յետոյ էլի ես եմ տանում քաղաք, ուր նա ծախում է այդ ալիւրը և իր տան համար առուտուր անում, երեխանց համար հագնելիք առնում: Ուրեմն, դուք ի՞նչ էք կարծում, ես որ չըլինէի, նա ի՞նչպէս կարող էր ապրել:

— Այդ ճշմարիտ ես ասում, ասաց Կովը: Բայց մեր տէրն ինձ ամենբիցդ աւելի որ սիրում է, այդ նրա համար է որ նա իմանում է, որ քեզ նման աշխատասէր ու ժրջան Եզնուկին ես եմ պահել մեծացրել: Այս մէկ: Մէկ էլ որ նրա բոլոր գերդաստանն իմ կաթովս եմ պահում: Այն մասնունն ու կարագը, այն սերն ու կաթը, այն եղնու պանիրը, այն տաք-տաք թանկսպասը որ ամեն օր խրաչտում են, ո՞ւմ տրւածն է: Տեսնում էք ուրեմն, որ եթէ ես չըլինիմ, բոլորը քաղցած կրկոտորւին:

— Իու էլ ես ճշմարիտ ասում, սիրուն կովիկ, սկսեց Շունը: Ո՞վ կարող է ուրա-

նալ քո լաւութիւնը: Շատ անգամ ես ինքս էլ եմ մասնակից լինում քո տրւած անուշ թանին: Մեր տանտիկինն ամեն խնոցի հարելիս թանիցն ինձ բաժին է տալիս: Ով որ քո լաւութիւնն ուրանայ, երկու աչքով կուրանայ: Ես շատ երախտագէտ եմ, ոչ ոքի լաւութիւն չեմ կարող ուրանալ: Բայց գիտէ՞ք ինչ կայ: Իուք մի՛ նեղանաք, որ մեր տէրն ինձ ամենբիցդ էլ շատ է սիրում: Իրա համար մեծ պատճառ կայ. և ահա ասեմ, թէ ի՞նչ է դրա պատճառը. . . .

Եւ Շունն սկսեց մէկ-մէկ հաշել, թէ ինքն ինչ ու ինչ է անում:

Ասած է՝ շունը որ հաշել սկսի, էլ չի դադարիլ: Այնքան հաշեց եզան ու կովի հետ, որ տէրն իմացաւ, գնաց նրանց մօտ, շան լեզուիցն ազատեց, ասելով. «Թո՛ղ տուր զըրանց, Բողար, դու շրջիտես որ ամենքդ էլ ինձ հարկաւոր էք. ոչ մէկդ միւսի արածը չէք կարող անել, այդ պատճառով ես ձեզ ամենբից էլ սիրում եմ, դուք էլ սիրեցէք միմեանց:

Կ ո Ր ա ծ Հ ո Ր Թ Ր


Ձիւն էր գալիս փաթիլ-փաթիլ,
Հէտն էլ անձրև կաթիլ-կաթիլ.
Սյդ միջոցին մի պառաւ կին
Հորթ էր փնարում դաշտի միջին:

Կովը եկաւ տաւարիցը,
Կուրծ ու ծծեր կաթով լիբը.
«Հորթուկս ո՞ւր է», նա բառանչեց,
Խեղճ պառաւին լացացրեց:

Մինչ դեռ այսպէս պառաւ ու կով
Ողբում էին լաց ու կոծով,
Յանկարծ լսեց մի բարակ ձայն,
Կոփս իմացաւ, որ հորթն է այն:

Կովը վազեց բառանչելով,
Պառաւը գնաց սնքսնքալով.
Կորած հորթը մօրը գտաւ,
Լիբ ծծերը բերանն առաւ:

Ծծեց բոբր կաթն ու առզեց,
Տանտիկնոջը բան չըթողեց,
Բայց պառաւը այս անգամին
Սիրով ներեց չար հորթուկին:



Մ ե ղ ու ն և Ս. դ աւ ն ի ն

1. Փ ո Ր ձ ա ն ք

Ժրածան Մեղուն ծաղկալից դաշտում
Իր մեղրի համար նիւթ էր հաւաքում: Ա-
րևի տակին շատ աշխատելով, Մեղուն յոգ-
նեց խիստ և ծարաւեց:

Նրանից մօտիկ մի փոքրիկ լիճ կար:
Մօտեցաւ լճին, վեր եկաւ ափին, որ քիչ

ջուր խմի, ծարաւը կոտորի, նոր ուժ ստանայ, թուչի տուն գնայ: Հէնց որ կուացաւ, որ ջուր կու՛մ անի, յանկարծ գլորեց, ընկաւ ջրի մէջ: Նա շատ աշխատեց, որ ցամաք դուրս գայ, բայց մի փոքր ալիք նրան ներս քաշեց, ափից հեռացրեց:

Այսպէս խեղճ մեղուն ցամաքից զրկւեց, ջրի երեսին թևերը փռեց և յոյսը կտրած՝ մնաց մեկնուած:

2. Օ գ ն ու թ ի ւ ն

Որտեղից որտեղ՝ օգնութեան հասաւ մի շատ բարեսիրտ սիրուն Աղանի: Բարի Աղանին մօտեցաւ լճին և նայեց տեսաւ մեր խեղճ Մեղունին՝ յուսահատ փուլած ջրի երեսին: Իսկոյն շտապեց, մի տերև կտցեց և տարաւ Մեղուի առջևը ձգեց:

Մեղուն բարձրացաւ տերևի վրայ, խելքը ժողովեց, դէս ու դէն նայեց, որ տեսնի ով էր իր ազատողը, մահից փրկողը: Եւ տեսաւ իր մօտ բարի Աղանուն: Շատ նայեց վրան և ուզեց խօսել, Աղանուն գոլել,

չնորհակալ լինել: Բայց մեր բարեսիրտ սիրուն Աղանին շատ լաւ իմացաւ Մեղուի միաքը, և ոչինչ չուզեց լսել նրանից. այլ թուաւ գնաց, որ ուրիշ տեղ էլ նոյն բարիքն անէ:

3. Երախտագիտութիւն

Մի օր մեր Մեղուն նոյն դաշտի միջին մի սիրուն ծաղկից նիւթ էր ժողովում և սողողալով Աղանուն գոլում: Մեղուի հանդէպ, մի ծառի վրայ նստած ննջում էր ծանօթ Աղանին:

Հէնց այդ ժամանակ Մեղուն նկատեց որ ահա մէկ մարդ, հրացանը ձեռին, մէջքը կուացրած, չար օձի նման սողում է սուս փուս դէպի Աղանին: Մեղուն հասկացաւ որ դա չար մարդ է, անդուժ որսորդ է, ուզում է սպանել անմեղ թռչունին, իր բարերարին: Եւ ճշմարիտ որ այդ էր այն մարդու չար նպատակը:

Որսորդը չոքեց, տեղը սնդացրեց և հրացանը երեսին բռնեց: Հէնց մատը դրեց

կացճառի ոտքին և ուղեց քաշել, գործը վերջացնել, այդ իսկ բոպէին կայճակի նման Մեղուն վրայ հասաւ և չար որսորդի ձեռքն այնպէս խայթեց, որ նա վեր ցատկեց: Նրա հրացանը նշանից շեղեց և իր թնդիւնով անմեղ Աղանունը քնից զարթեցրեց ու տեղից թուցրեց:

Այսպէս մեր Մեղուն իր բարերարին վերահաս մահից փրկեց ազատեց:

Ինչ որ ցանես, այն կը հնձես:

Արած լաւութիւնը չի կորչիլ:

Փոքրիկ Գառը

Մէկ փոքրիկ գառ, ձիւնի նմա մաքուր սպիտակ, Մի օր գնաց մօր հետ դաշտը, որ արածի: Գառն որ հասաւ, սկսեց թռչել քարերի տակ, Եւ չէր ուզում փոքր միջոց հանգիստ նստի: Այս ու այն կողմ վազվզելով չափ էր ընկում,

Թէ քար, թէ ժայռ, թէ փոս, թէ ձոր չէր հարցնում: — Ո՛րդեակ, հանդարտ, ձայն էր տալիս նրա մայրը. Զգո՛ւշ կացիր, սրդեակ, լսիր իմ խրատը: Բայց գառնուկը մօր ասածին ուշ չի դարձնում, Իր խաղալն ու վազվզելն է շարունակում: Եւ վերջապէս երբ մօր խօսքին ականջ չարաւ, Սարի գլխին իր գծութեան պատիժն առաւ, Մի մեծ քար կար այնտեղ ընկած. նրա ծայրում Մեր գառնուկը թռչկոտելով խաղ էր անում. Մէկ էլ յանկարծ նրա վրայից գլորեցաւ, Ոտքի մէկը տակովն էլաւ կտորեցաւ:

Մեղուն և Հաւը

Հաւը Մեղուի վրայ ծիծաղելով ասաց մէկ անգամ.

— Ի՛նչ անշնորհք ճանճ ես դու, ամբողջ օրը ծաղկից ծաղիկ ես թռչկոտում և ոչ մի բանի պէտք չես գալիս:

— Իսկ դու, հաւիկ մարիկ, ի՛նչ ես շինում, հարցրեց Մեղուն:

— Մի՛թէ չըգիտե՞ս, թէ ինչ եմ շինում ես: Քեզ նման պարսպ-սարսպ չեմ տըղտողում: Ես օրը մէկ ձու եմ ածում, մէկ ձու. գիտե՞ս մէկ ձուն քանիսն է:

— Գիտեմ, գիտեմ, հասկացայ: Բայց ես մինչև հիմա կարծել եմ, թէ դու օրը հարիւր ձու ես ածում:

— Ի՞նչպէս կարելի է օրը հարիւր ձու ածել, անխելք մեղու:

— Հապա եթէ քո ածածը ընդամենը մի ձու է, էլ ինչո՞ւ ես հարիւր անգամ կըրկըչում, թէ հայ, հարայ, լսեցէք, իմացէք, որ ես ձու եմ ածել: Իմ կարծիքով այդքան կրկնալուն մի ձուն շատ քիչ է: Այնպէս չէ՞, իմաստուն հաւիկ մարիկ:

— Բայց դու ի՞նչ ես շինում, դո՞ւ, որ իմ մի ձուն քիչ ես համարում:

— Ես ինչ որ շինում եմ, քեզ պէս կըրկըչալով չեմ յայտնում ուրիշներին: Ես գլուխս քաշ գցած մեղր եմ շինում: Գիտե՞ս ինչ է մեղրը: Դա հաւի կերակուր չէ, քո խելքի բանը չէ, հաւիկ մարիկ:



Պ ս ա կ ն Ե ր

Վարդ ծաղկին լինինք նման
Եւ օրինակ հեղութեան.
Թող վարդը հանգստանայ
Մեր մատաղ սրտի վրայ:
Ազնիւ սիրուն մանուշակ,
Համեստութեան օրինակ,
Տուր մեզ ծաղիկ գեղեցիկ,
Քո քնքուշ հոտ անուշիկ:
Օրինակ անմեղութեան,
Դաշտի սիրուն դու շուշան,
Եկ զարդ եղիր մեր պարին,
Եկ միացիր մեր երգին:
Կանաչ խոտը դաշտերի
Մեր սրտին է սիրելի.
Թող ոստը կաղնի ծառին
Պսակ լինի մեր գլխին:
Սիրուն կանաչ պսակին
Թող միանանք, բարեկամք.
Եւ յոյսերս անբաժան
Մ'նան մեզնից յաւիտեան:

Մանուշակ

Կապույտ գըլխով, կանաչ ոտով
 Ես ծաղիկ եմ անուշ հոտով.
 Թէև տունկըս փոքրիկ է՝ ցած,
 Արօտներում միշտ թուք կացած,
 Բայց իմ փունջըս ամենի տան՝
 Թէ աղքատի, թէ մեծատան,
 Իբրև գարնան առաջին զարդ,
 Կարէ տեսնել ամենայն մարդ.
 Ես եմ սիրուն գարնան գուշակ,
 Իմ անունըս է մանուշակ:

Ոսկի և երկաթ

Ոսկին երկաթին արհամարհելով, ասաց
 մէկ անգամ.— Երանի գիտենամ, դու ինչն
 ցու ես, որ մետաղների կարգն ես ընկել.
 Քո սև ու ժանգոտ երեսովդ մարդու վը-
 րայ զզւանք ես բերում: Նայիր ինձ վրայ,
 տես ի՞նչպէս գեղեցիկ եմ փայլում, ինչպէ՛ս
 շողշողում: Նայիր մեր սիրուն օրիորդների
 ու հարսների ականջներին ու մատներին,
 դու կրտսնես իմ փառքն ու պատիւը.
 Նայիր նրանց ճակատների շարքերին, դու

կրտսնես իմ փայլն ու գեղեցկութիւնը.
 Նայիր նրանց պարանոցներին ու կուրծքերին,
 դու կրտսնես իմ մանեակների ու շղթա-
 ների նրբութիւնը: Ձեմ հաշու՛մ ապարան-
 ջանները, գնտասեղները, գիտե՛մ որ դու
 այնքան կոշտ ու կոպիտ ես, որ այդպէս
 քնքուշ բաների վրայ ոչ ճաշակ ունիս, ոչ
 հասկացողութիւն:

Երկաթը պատասխանեց Ոսկուն.

— Ես չեմ ուրանում, Ոսկի՛ աղա, որ
 դու գեղեցիկ ես, ամեն բանի զարգն ու զար-
 դարանքը դու ես, գինըդ շատ բարձր է,
 աղքատի բան չես, բայց ինչո՞ւ ես չափիցդ
 դուրս գոռոզանում: Քո սիրուն օղակներդ
 ոչ ականջի լսելիքն են աւելացնում, ոչ մատ-
 ներին ու կուներին զօրութիւն ու ժրութիւն
 տալիս: Ճակատների փայլուն շարքերը գըլ-
 խին խելք չեն տալիս. ոչ կուրծքերի նուրբ
 մանեակները սրտին գու՛թ ու խնամք:

Ի՞նչ ասե՛մ մեր օրիորդներին, որ քեզ
 այդչափ պատիւ են տալիս, քեզ համար հալ-
 ւում, մաշում ու բարակացաւ ընկնում: Իմ
 մի փոքրիկ ասեղը քո բոլոր զարդարանք-

ներից աւելի է օգուտ տալիս: Գիտե՞ս, Ոսկի աղա, իմ փոքրիկ ասեղը քանի՛ տուն է պահում, քանի՛ որբի կերակրում: Իմ խոփն ու ձևիչը ամբողջ աշխարհքին հաց են տալիս:

Մարդիկ ի՛նչ որ շինում են, կամ պէտք է կտրեն, կամ պէտք է ծեծեն, կամ պէտք է սղոցեն, կամ պէտք է խարտոցեն, կամ պէտք է կարկատեն: Իմ ուրազն ու կացինը որ չըլինին, իմ դուրն ու շաղափը, իմ սղոցն ու մուրձը, իմ կտրիչն ու խարտոցը — էլ կարո՞ղ էին մարդիկ քար քարի վրայ դնել, փայտ փայտի վրայ:

Ահա այդպէս պարծենկոտ ես դու, Ոսկի աղա. քո փայլից կուրացած՝ ուրիշի լուսութիւնը չես տեսնում:

Արշակի շարադրութիւնը

Երկար ժամանակ սպասում էի, թէ ե՞րբ պէտք է ինձ ուսումնարան տանեն: Ուսումնարանի մօտովն անցնելիս որ լսում էի ա-

շակերտների երգելու ձայնը, սիրտս մի ուրիշ կերպ էր դառնում. մտքումս ասում էի. *անի, ե՞րբ կըլինի, որ ես էլ սրանց մէջը լինիմ, սրանց պէս կարդամ, սրանց պէս երգեմ, սրանց հետ խաղամ. արդեօք՝ կարժանանամ այն օրին:*

Վերջապէս փափագիս հասայ: Հայրիկս մի առաւօտ ինձ յայտնեց, թէ երկուշաբթի օրը քեզ տանելու եմ ուսումնարան, և այսօր պէտք է գնամ քո ուսման պիտոյքներն առնեմ: Այն օրը էլ ես հաց չըկերայ չափազանց ուրախութիւնիցս:

Երեկոյին հայրս եկաւ տուն: Ի՛նչ ասես որ չէր առել ինձ համար. — թուղթ, թանաք, թանաքաման, դասագիրք, տեսակ-տեսակ գրչածայրեր, գրչակոթեր, գրատախտակ, քարեգրիչներ, մասիաներ, մի քառակուսի քանոն, մի սիրուն գրչահաս: Բոլորը ջոկ-ջոկ թղթերում փաթաթեցի ու դրի պահարանումս, մինչև հասաւ երկուշաբթին՝ ուսումնարան գնալու օրը:

Նոր Տարի

Ահա հասաւ նոր տարի,
Հետը բերեց նոր բարի—
Մանր տրդոց ուրախ օր,
Բարի զաւակ հօրն ու մօր:

Մանր տղայքն են ուրախ,
Ունին կաղին, կօզինախ,
Սալորի չոր, չամիչ, թուզ,
Փշատ, ունաբ և ընկուզ:

Մանր տղայք, չըմոռնաք,
Աշխարհումս չէք մենակ.
Ուրիշ շատ խեղճ տղայք կան,
Աղքատ ու անօգնական:

Նորա հայր ու մայր չունեն,
Սև չոր հացի կարօտ են.
«Աղքատներին ողորմած
Եղէք», կասէ ձեզ Աստուած:

Մանկական Խաղ

Ա. Աշակերտ

(ասում է անգործ մանկանը)

Ո՛վ դու մանուկ ծաղկահասակ,
Հերիք անգործ, պարապ ման գաս.
Ձուր մի կողքնիր ոսկի ժամերդ,
Թէ չէ տգէտ, բիրտ կըմնաս:

Բ. Աշակերտ

Խղճա՛, խղճա՛ քո օրերին,
Սրբէն անցաւ քո ութ տարին.
Ի՞նչ ես սովրել թափառելով,
Հասկացել ես չարն ու բարին:

Գ. Աշակերտ

Ձէ որ մեղք է խղճուկ հայրդ,
Որ կաշախատի միշտ անդադար,
Թէ ինչ է՛ իւր որդին մի օր
Գառնայ լաւ մարդ իրան համար:

Աշակերտաց խումբը

Գոնէ նայիր ու մեզ առ քեզ
Աշխատութեան օրինակ,
Եւ մի անգին ժամանակրդ
Փչացներ շարունակ:

Ե՛կ, Էկ, Հէրիք պարասլ շրջես,
Գորանից քեզ օգուտ չըկայ:
Ե՛կ վարժարան, կարգա մեզ Հետ,
Որ խեղճ Հայրըդ ուրախանայ:

Անգործ մանուկ

Ինչք՞ կըզամ ձեր վարժարան.
Որ զուր գերի՞ ես դառնամ.
Ազատ ուրախ փողոցներում
Լաւ չէ՞ խաղամ ու ման գամ:

Աշակերտաց խումբը

Մենք էլ երբ որ բոլորովին
Գասներս լաւ կըսերտենք
Այն ժամանակ ազատ ուրախ
Խաղ կըխաղանք ու կ'երգենք:

Անգործ մանուկ

Հապա որ ձեզ վարժապետը
Միշտ կըծեծէ, կըպատժէ.
Միթէ այդ վատ պատժարանը
Գալ ու նստելը արժէ:

Խումբը

Այստեղ ոչ թէ ծեծ ու պատիժ,
Այլ ուսում են մեզ տալիս.
Միայն ծոյլ, վատ աշակերտը,
Նախատուում է ու լալիս:

Անգործ մանուկ

Հապա որ միշտ հրամանով
Գուք կըկանգնէք, կընստէք,
Եւ ինձ նման ուզած ըսպէն
Ազատ ման գալ կարող չէք:

Խումբը

Ով որ չունի կարգ ու կանոն,
Նա ասուում է անկիրթ մարդ,
Կարգ կանոնը մանկանց համար
Են գովական սիրուն զարդ:

Ե՛կ, ասում ենք, Էկ վարժարան,
Չես կշտանալ թափառելով.
Ում ուղում ես՝ գնա հարցուր,
Մարդ կըդառնաս ուսուցումով:

Անգործ մանուկ

Ես էլ կըզամ, ես էլ կըզամ,
Էլ չեմ շրջիլ պարասլ զուր,
Ես էլ ձեզ հետ միշտ կըկարգամ,
Էլ չեմ ընկնիլ դռնէ դուռ:

Խումբը

Ե՛կ մեզ մօտ, Էկ մեզ մօտ,
Քեզ կ'ընդունենք մեծ սիրով.
Միասին, միասին,
Խաղանք, խնդանք երգելով:

Բոյորը

Եկէք, եղբայրք թե-թեի տանք
Իրար գրկենք, ուրախանանք.
Քանի այսպէս դեռ մանուկ ենք,
Ուսում առնենք խնդանք, խաղանք:

Դէհ, եղբարք, դէհ, եղբարք,

Ուրախ երգենք ու խաղանք.

Ոչ ոք չունի մեզի նման

Ուրախ օրեր, զուարթ ժամեր,

Աշակերտաց կեանքն է անհոգ,

Սիրտն է մաքուր, գործն օգտաբեր:

Դէհ, եղբարք, դէհ, եղբարք,

Ուրախ երգենք ու խաղանք.

Կեցցէ, կեցցէ մանուկ հասակ,

Կեցցէն ուսում, խաղի ժամեր.

Կեցցէ յաւէտ մեր վարժարան,

Կեցցէնք և մենք, աշակերտներ:

Պար բըռնենք ու երգենք,

Քանի որ իրար հետ ենք.

Տրայ լայ լայ, տրայ լայ լայ

Տրայ լայ, լայ, լայ, լայ, լայ:



Տղայոց աղօթք

Հայր մեր երկնաւոր, հայր ամեն մար-
դի. Իու ինձ ամեն օր տաս հազար բարի,
— կեանք, լոյս, կերակուր, հայր ու քաղցրիկ
մայր, մեծ ու փոքրիկ քոյր, անուշիկ եղ-
բայր: Իսկ ես ի՞նչ ունիմ, որ ի՞նչ տամ Քե-
զի. առաջևըդ կրնկնիմ, կենամ աղօթքի.
«Շնորհքդ տուր ինձ, որ ծնողներիս, ուսու-
ցիչներիս և իմ մեծերիս վնիմ սիրելի, իսկ
Քեզ հաճելի»:

Առաւօտեան աղօթք

Ով տէր մեր գլխոս,

Իու լոյս առաւօտ,

Ծագիր և մեզ մօտ

Քո լոյսդ անաղօտ:

Թող լուսաւորուին

Մեր միտքն ու հոգին,

Որ Քո լոյս անուան

Լինինք փառաբան:

Յանուն Հօր և Որդւոյ և Հոգւոյն Սրբոյ. ամէն:

Հայր մեր

Հայր մեր, որ երկնքումն ես, սուրբ լինի քո անունը. զայ քո թագաւորութիւնը. քո կամքը լինի երկրիս վրայ էլ, ինչպէս որ երկնքումն է: Սեր ամենօրւայ հացը մեզ այսօր էլ սուրբ: Թող մեր այն պարտքերը, որ քեզ պարտական ենք, ինչպէս որ մենք թողում ենք մեզ պարտ եղողներինը: Թող չբտաս, որ մենք փորձանքի մէջ ընկնինք, այլ փրկիր մեզ չար բաներից, որովհետեւ միայն դու ունիս յաւիտենական թագաւորութիւն, զօրութիւն և փառք.—ամէն:


Տէրունական Աղօթք

Հայր մեր, որ յերկինս ես, սուրբ եղիցի անուն քո. եկեացէ արքայութիւն քո. եղիցին կամք քո որպէս յերկինս և յերկրի: Հաց մեր հանապազօրոյ սուր մեզ այսօր: Թող մեզ զպարտիս մեր, որպէս և մեր թողումք մերոց պարտապանաց. և մի տանիր զմեզ ՚ի փորձութիւն, այլ փրկեա՛ն զմեզ ի չարէ. զի քո է արքայութիւն և զօրութիւն և փառք յաւիտեանս. ամէն:



ԳՐԱՎԱՃԱՌԱՆՈՑԻ ՀՐԱՏԱՐԱԿՈՒԹՒԻՒՆՆԵՐԸ

1.	Աղայեանց՝ Ուսումն Մայրենի Լեզուի. ա. տարի . . .	25	կ.
2.	» Ուսումն Մայրենի Լեզուի. երկ. տարի. . .	40	կ.
3.	» Ուսումն Մայրենի լեզուի երր. տարի. . .	45	կ.
4.	» Ուսումն Մայրենի լեզուի չորր. տարի . . .		
5.	Ս. Մանդինեան՝ Ընտանեկան Աշխարհ. երր. տիպ. . .	25	կ.
6.	» Գիւցազնական Աշխարհ. երր. տիպ. . .	30	կ.
7.	» Նահապ. և Հայր. Աշխարհ. հինգ. տ. . .	65	կ.
8.	» Բացատրութիւն Ընտ. Աշխարհի . . .	75	կ.
9.	» Հենչէլի թուար. խնդիրներ. մ. ա. . .	40	կ.
10.	» Հենչէլի թուար. խնդիրներ. մ. բ. . .	50	կ.
11.	» Բացատրութիւն ուսուցչաց համար . . .	30	կ.
12.	» Համառօտ Մանկավարժութիւն . . .	1 ր. — 50	կ.
13.	Տէր-Ա. Լեոնդեան՝ Մայրենի Լեզու. ա. տարի. . .	35	կ.
14.	» Մայրենի Լեզու բ. տարի. . .	40	կ.
15.	» Մայրենի Լեզու. գ. տարի. . .	45	կ.
16.	» Մայր. Լեզ. քերական տարեբքը. մ. ա. . .	30	կ.
17.	» Մայրենի Լեզուի քերակ. տարեբքը. մ. բ. . .	50	կ.
18.	» Բացատրութիւն Մ. Լեզուի ա. տարուայ . . .	60	կ.
19.	» Հայորդի՝ Սրբազ. պատ Հին Ատակ. . .	50	կ.
20.	» Սրբազան պատմութ. Նոր Ատակարանի . . .	50	կ.
21.	Տէր-Ստեփանեան՝ Սկզբունք քր. հատուց . . .	50	կ.
22.	Վաստանեան՝ Ծաղկաբաղ, շրջան Ա. . .	25	կ.
23.	» Ծաղկաբաղ, շրջան Բ. . .	60	կ.
24.	» Ծաղկաբաղ, շրջան Գ. . .	40	կ.
25.	» Նախաշաւիղ . . .	25	կ.
26.	Եղիշէ ըստ Անձեապետց տրինակի. . .	80	կ.
27.	Սիմէօնեան՝ Աշխարհագրութիւն, մասն բնական. . .	60	կ.
28.	» մասն քաղաքական . . .	60	կ.
29.	Վարձելեան՝ Գասագիրք թուարանութեան . . .	70	կ.
30.	Յ. Գ. և Մ. Պ. Փոզ. թուար. խնդիրների մ. ա. . .	40	կ.
31.	» Նոյն մ. բ. կոտորակներ . . .	45	կ.
32.	Այվաղեան՝ Նախակրթանք, մ. ա. (գրարար) . . .	40	կ.
33.	Տէր-Սարգսեան՝ Հայկական գեղադրութեան օրինակներ . . .	25	կ.
34.	» Վայելչագրութեան դասաւանդութեան եղանակը . . .	20	կ.
35.	Բղանեան՝ Վրժի դասագիրք. երկրորդ տարի . . .	25	կ.
36.	» — — — երրորդ տարի . . .	25	կ.
37.	Տէր-Գալթեան՝ Русск. слово. Учебникъ русс. языка. . .	50	կ.
38.	Агнiewiczъ. „Первый шагъ“, учебникъ русс. языка. . .	45	կ.
39.	Захаровъ. Сборникъ примѣровъ для пись. исчисления . . .	20	կ.
40.	Мартиновскій Русскіе Писатели въ выборѣ и обработкѣ для школь Ч. I . . .		
41.	» Русскіе Писатели Ч. II . . .		



304.

408

ՆԻԿՈՂԱՅՈՍ ՏԵՐ-ՂԵՒՈՆԳԵԱՆԻ ՀՐԱՍԱՐԱԿՈՒԹԻՒՆՆԵՐԸ

- 1. Տեր-Ղևոնդեան՝ Մայրենի Լեզու, առաջին տարի . . . 35 կ.
- 2. » Մայրենի Լեզու, երկրորդ տարի . . . 40 կ.
- 3. » Մայրենի Լեզու, երրորդ տարի . . . 50 կ.
- 4. » Մայրենի Լեզու, չորրորդ տարի . . . 65 կ.
- 5. » Մայր. լեզուի բաց. ձևնարկը. ա. տարուայ ձրի
- 6. » Մայրենի Լեզուի քերականութ. տարեբքը, մասն առաջին . . . 30 կ.
- 7. » Մայրենի լեզուի քերականութեան տարեբքը, մասն երկրորդ . . . 40 կ.
- 8. » Հայորդի՝ Սրբազան պատմ. Հին Կտակ. . . 50 կ.
- 9. » Սրբազան պատմութիւն Նոր Կտակարանի . . . 50 կ.
- 10. Մանդինեան՝ Նահապետական Աշխարհ . . . 60 կ.
- 11. » Հենչէլի՝ բանաւոր և գրաւոր հաշուելու լինդիրներ, առաջին և երկրորդ տարի . . . 40 կ.
- 12. » Բանաւոր և գրաւոր հաշուելու լինդ. գ. տարի 50 կ.
- 13. » Ընտանեկան Աշխարհ . . . 25 կ.
- 14. » Դիւցադնական Աշխարհ . . . 30 կ.
- 15. Աղայեանց՝ Ուսումն Մայրենի Լեզուի, ա. տարի . . . 25 կ.
- 16. » Ուսումն Մայրենի Լեզուի, բ. տարի . . . 40 կ.
- 17. » Ուսումն Մայրենի Լեզուի, գ. տարի . . . 55 կ.
- 18. Գեորգբէկեան՝ Փոքրօվածու թուար. լինդիրների՝ Ամբ. թուեր 40 կ.
- 19. » » » կրտորակ թուեր 50 կ.
- 20. Թումանեանց՝ Начальная Книга Русского Языка . . . 25 կ.

1. Գրքերի վաճառուքը կանխիկ է: Ապառիկ ոչոքի գերք չենք ուղարկում, բայց ցանկացողները համար գրքերի արժէքը կարող ենք վերադելք անել, որ նոքա վճարեն այն փոստային վարչութեանը կամ կանաթրին, որի միջոցով պիտի ստանան գրքերը ճշարդ կամ անգուղը:

2. Մեր հրատարակութիւններէջ զատ ուրեջ գրքեր պահանջողները պատուէրները անկատար կըմնան:

Դիմել՝ Николаю Теръ-Гевондянъ. Тифлисъ.
Հասցէս փոստատանը յայանի է:

[Handwritten signature]

2075 3200

« Ազգային գրադարան



NL0062227

